



KAMPUS & PENDIDIKAN

11 JUN, 2025

Catatan Akademik| Pelajar universiti aset negara! Tragedi menuntut tindakan! Bukan sekadar statistik!



@ketua editor

Ketua Editor KitaReporters.com... Boleh hantar emel kenyataan media atau berita dan story ke kita.reporters@gmail.com atau editor.kitareporters@gmail.com


SALAM TAKZIAH
 kepada keluarga 15 pelajar UPSI yang maut dalam kemalangan di Gerik

				
FAKHRUL ARIF BIN ROSDI	MOHAMMAD AQIL TAQI UDDIN BIN MOHD SOFIAN	MUHAMMAD ADIB AZIM BIN HALIM	NIK AMNI NADIAH BINTI NIK NOR ZABIR	NUR AINUL QISTINA BINTI MAT ALI
				
NUR DALILA FARHANA BINTI MOHAMAD ISMA	NURLY SAHIRAH BINTI AZMAN	NURUL FATIHAH BINTI ABU SETAMAN	NURUL IZYANTI BINTI MUHAMMAD AZAHAR	SUFEA ADELA BINTI MASLIHAIZAN
				
FATIN NASRIEN BINTI FADLI	MUHAMMAD MUSTAQIM BIN ROSDE	WAN NUR SUHAILA BINTI WAN MUHAMMAD	ANIS SOFFIYA BINTI MD ZAIDI	NOR AYUNI BINTI MASLAN

"Semoga roh mereka dicucuri rahmat dan ditempatkan dalam kalangan orang yang beriman"

DARIPADA KAMI:
URUS SETIA PENERANGAN DARUL IMAN


WWW.TRDI.MY


Urus Setia Penerangan Darul Iman - UPDI



updi_terengganu

Oleh AMIRUL SALAM HASAN

Universiti Malaysia Terengganu (UMT)

Negara dikejutkan dengan tragedi menyayat hati apabila 15 nyawa pelajar Universiti Pendidikan Sultan Idris (UPSI) terkorban dalam kemalangan bas ekspres di Jalan Raya Timur Barat, Gerik, Perak pada 9 Jun 2025.

Insiden tragik ini bukan sahaja meragut nyawa muda yang sedang meniti perjalanan menimba ilmu, malah menjadi tamparan keras terhadap aspek keselamatan pengangkutan awam melibatkan pelajar institusi pengajian tinggi.

Lebih mendukacitakan, laporan awal menyatakan bahawa bas yang membawa pelajar terbabit tidak memperlahan kenderaan walaupun berada dalam laluan berbukit serta tidak dilengkapi tali pinggang keledar.

Dalam kejadian berasingan, seramai 28 penumpang termasuk 13 pelajar dari Universiti Malaysia Pahang Al-Sultan Abdullah (UMPSA) turut berdepan detik cemas apabila bas yang mereka naiki terbabas di lokasi yang sama.

Walaupun tiada kehilangan nyawa dilaporkan, kejadian ini jelas menunjukkan kelemahan serius dalam aspek pemantauan dan pelaksanaan standard keselamatan pengangkutan berat.



Pelajar universiti adalah aset penting negara. Mereka merupakan bakal pemimpin, penyelidik, jurutera, guru, ahli ekonomi, pakar teknologi dan pelbagai lagi peranan kritikal dalam pembangunan masa depan Malaysia.

Kehilangan mereka bukan sekadar statistik kemalangan – ia adalah kerugian besar terhadap modal insan negara. Justeru, perlindungan terhadap keselamatan pelajar tidak boleh dipandang enteng atau hanya menjadi agenda reaktif selepas berlaku tragedi.


Insiden ini wajar menjadi titik tolak kepada tindakan segera dan holistik oleh semua pihak berkepentingan termasuk institusi pengajian tinggi, syarikat pengangkutan, pihak berkuasa jalan raya serta kementerian berkaitan.

Pematuhan kepada piawaian keselamatan kenderaan termasuk pemasangan tali pinggang keledar, penyelenggaraan berkala, pemilihan pemandu berpengalaman dan had waktu operasi perlu dijadikan keutamaan mutlak.

Penguatkuasaan yang tegas dan konsisten juga mesti dilaksanakan, bukan sekadar menunggu insiden untuk bertindak.

Pihak universiti juga harus berperanan aktif dalam mendidik dan melindungi pelajar.

Aspek pengurusan risiko perjalanan, pemilihan pengendali pengangkutan yang berlesen dan selamat serta insurans perjalanan pelajar wajar dijadikan amalan tetap dalam setiap program yang melibatkan pergerakan pelajar dalam skala besar.



Tragedi UPSI ini adalah ‘panggilan kesedaran’ bahawa nyawa pelajar kita terlalu berharga untuk dikompromi. Mereka bukan hanya penuntut ilmu, tetapi cerminan harapan dan masa depan negara.

Sudah tiba masanya kita memberi perhatian dan perlindungan yang sewajarnya kepada mereka, dengan memastikan aspek keselamatan sentiasa diutamakan dalam setiap langkah yang diambil.

Amirul Salam Hasan ialah pegawai di Pejabat Komunikasi Korporat Universiti Malaysia Terengganu (UMT). Artikel ini adalah pandangan penulis.

Tags:

- #Perak
- #nahas
- #kemalangan
- #bas
- #Gerik
- #nahas jalan raya
- #kemalangan jalan raya
- #modal insan
- #kemalangan maut
- #pelajar-pelajar
- #bas persiaran
- #Universiti Pendidikan Sultan Idris (UPSI)
- #aset
- #Universiti Malaysia Pahang Al-Sultan Abdullah (UMPSA)
- #pelajar universiti
- #Jalan Raya Timur Barat (JRTB)
- #aset negara
- #aset berharga
- #pengangkutan berat
- #panggilan kesedaran